

بازار ایرتسی

فی ۱۹ جمادی الاخری سنه ۱۳۲۸

وفی ۱۴ حزیران سنه ۱۳۲۶

## جمعیت علمیة اسلامیه نك ناشر افکاریدر

صاحب امتیاز :

فاتح مجیز درسعاملرندن  
استانبول مبعوثی  
مصطفی عاصم

سر محرر :

فاتح مجیز درسعاملرندن  
توقاد مبعوثی  
مصطفی صبری

مدیر مسئول :

مکتب قضاء معلملرندن  
کایسلی منیر

### مندرجات

|                                             |                                                |
|---------------------------------------------|------------------------------------------------|
| تاریخ اسلام صحائفندن . . . . . طاهر المولوی | ردی علی مافی القول الجدید . . . . . مصطفی صبری |
| اسلامده علوم وفنون . . . . . ع . عاطف       | روسیه مسلمانلری . . . . . م . صفت              |
| ادبیات                                      | کرید مسئله سی اسکیز سیاستی . . . . . ع - داود  |
| استبداد ایکتیلری . . . . . ع خیری           | چین مسلمانلری . . . . . » »                    |




### نسخه سی ۱ غروشدرد

آبونه اجرتی ( پوسته اجرتیله برابردر )

ممالک اجنبیه ایچون :  
۶۰ ، ۲۰ فرانق  
» ۳۰ ، ۱۰

استانبول وولایات ایچون :  
بر سنه لکی ۶۰ غروش  
التي آیانی ۳۰ »



درج اولنیمان اوراق اعاده ایدلمز

### قارئلرمنزه

اکثر مقالاته آیات کریمه واحادیث نبویه درج ایدلمش بولندی نظر اعتباره آلهرق رعایتسزلکده بولنلمامسی رجا اولنور .



در سعادت

محمود بك مطبعه سنده طبع اولنمشدر



بازار ایرتسی کونلری نشر اولنور دینی ، ادبی ، سیاسی وفنی هفتته لق غزته در .

## نَارِیْجِ اسْتِلاَصِحَاءِ فَنَدِکْ

والد ماجد پیغمبری :

ما بعد

عبدالمطلب ، نامه قرعه اصابت ایدن اولادینک  
الندن طوقوب مشفقانه ومستفهمانه بر نظرله یوزینه  
باقدی . رضای پدری تحصیل ایچون فدای جان ائمه دن  
چکینمه یین جناب عبده ، الی چکمک ، ایاغی دیره مک  
دکل ، بر عزم متین ایله باشی اکوب بویینی اوزاندی .  
کسیله جک اوغاندن زیاده لرزان اولان بیچاره پدر ،  
ئمره حیاتی سوق ائمه شویله طورسون ، عادتاً تعقیب  
ایله یه رک حرم شریف داخلنده کی قربا نگاهه قدر  
کوتوردی .

اوراده وداع واپسینی ایفا ایچون سوکیلی یاوروسنی  
قوجاقلادی . خونین بر رنگ آلان کوزیاشرلیله

- قینالامش کبی - ایصالانان وجه اللهی اوپدی ،  
قوقلادی . او ، مطیع اولادده باباسنک الی اوپدکن  
صو کرا ایاقارینه طوغرو اوزاندی . مشتاق ممات اولان  
لسانی :


بسته حبل رضادر دست وپایم شوق ایله  
بر اشارت غمزه جلاده قربان اولدیغم  
روح اسماعیله اولسون غبطه بخشای ابد  
کشته سیفک اولوب پایکده غاطان اولدیغم  
رشک ایله ویرسین روان پاک یحیایه خروش  
شاهراه وصالکه خونابه افشان اولدیغم  
دیدیکی صیراده باباسنک بیزار حیاتی اولان زبانی ده :  
نذر می ایفا ایچون راهکده ای رب محیب  
شاهد اول ، حبل المتین روح ودلدر کسدیکم  
ایشته قربانخانه قربیتکده صدق ایله  
شیرزادمدر الهی ! قوچ دکلدر کسدیکم  
فریادینی ایدیوردی .

ایدیلدی دوهلر یوزده بالغ اولونجه — اوچ دفعه تکرار ایدیلک شرطیه — قرعه اولره اصابت ایتدی جناب عبدالله زبحدن قورتولدی ، عبدالمطلب ده ، دودلری قربان واهالی مکین اطعام ایدرک نذرینی ایفا ایله مش اولدی .

بعض مورخین ( عبدالمطلب ذبحه تصدی ایتدیکی ائزاده اوغلی عباسک کلوب قارده شنی باباسنک الندن قورتاردیغنی ) ادعا ایتشلر سده ادعاری طوغزو دکدر . چونکه او ائزاده حضرت عباس هنوز ایکی یاشلارنده ایدی که ولادت بیغمبریدن اوچ ییل اول طوغمشدی . ایکی یاشنده کی برچوجک ، برادرینی پدرینک قلنجیندن تخلیصه چالشماسی طبعیدرکه محالدر . مشسار الیهک ؛ « بن اوچ یاشلارنده ایدم که ولادت سنیه وقوع بولمشدی . برکون غی اکرم حضرتلرینی کتیردیلر و بکا : قارداشکی اوپ . دیدیلر . بنده وجه سعادتی تقیل ایله مشرف اولدم » دیمه سیده سوزمیزک صحتی تأیید ایدر .

مابعدی وار

طاهر المروری



### — اسلامده علوم وفنون —

علوم فرآنیسه ، عراق و ایران جهتلرنده بر سرعت فوق العاده ایله انتشار ایلدیکندن او خطهلر اهاالیسی آرسنده دخی فقه وفتوی تدرس ایدر نیجه ذوات ظهور ایلشدی ؛ فقط احادیث شریفه او طرفلرده قطعاً حجازیه ده اولدینی قدر منتشر بولمیدیکندن حفظ حدیث خصوصنده اختصاصلری زیاده اولان اهل مدینه یه احتیاجلری درکار ایدی .

عراق و ایران طرفلرنده کی مسلمینک اکثریسی ارباب علم و تمدن اولدینی ایچون قرآن کریم واحادیث نبویه دن استخراج احکام خصوصنده قیاس فقهی به دها

مایوس پدر ، آغلایان کوزلرینی ، تیرمین اللریه سیلوب باقعه قیامدینی او منور یوزده صوک دفعه اولارق بر دها باقدقدن صوکرا ، کوکسندن آیرمق ایسته مدیکی اورأس شریفی جسم لطیفندن تفریق ایتک ایچون قلینجی قالدیردی . فقط ( مانع ) صفت التیه سنک مظهر تامی دینه بیله جک بر نیجه ، ییلکسندن یا قالا یوب اوسیف صارمی الندن آلدی .

بوید علینک صاحبی ، عبداللهک دایلمندن ( مغیره بن عبدالله بن عمرو بن مخزوم ) ایدی که انیسته سنک وفای نذری ایچون همشیره زاده سنی ذبحه تشبث ایتدیکی خبر آلمش ، صیانت ربانیه کی یتیشوب یکنتی قورتارمشدی .

( مغیره ) نک شو منع مصیبه صناید قریشکده مداخله سنی موجب اولدی . عبداللهی زمین زبحدن قالدیروب عبدالمطلبک اطرافنی آلدیار ( قریشه بدعت سیئه بیرامق ایسته مزسه ک عزیمکدن فراغت ایت . ( جنبر ) ده کی ( قطبه کاهنه ) دن استفتا ایدلم . بلکه ایفای نذرده باشقه چاره واردر . بوخصوصده بوتون ماملکمز کیده جک اولده ، عبدالله ایچون فدا ایلرز ، دیدیلر .

عبدالمطلب ده بوتکایفه رضا کوستردی . برقاچ کیشی درحال یوله جیقوب خیره واصل وکاهنه نک نزدینه داخل اولدی .

( قطبه ) مسئله نی آکلانجه یارین کلک جوابی ویرهیم . دیدی ایرتسی کونی کتیدیلر . کاهنه ، سزده دیت نه قدردر . ؟ دیه صوردی اون ده ودر . دیدیلر . اوله ایسه عبداللهه مقابل ، اون ده وه قویک وقرعه چکک . ده ودره اصابت ایدنیجه یه قدر عدد جمالی اونر اونر آرتیرک . چاره سنی کوستردی . مستقیلر ، مسروراً عودت و عبدالمطلبه ، اشراف قریشه تبلیغ کیفیت ایتدیلر . همان ، ده ودر احضار وقرعه کشیده سنه ابتدار